

2



## 徐熏嫻 女士

客家語 / 現代詩類 / 教師組

得獎作品 /

戲說·長流水

### 【得獎感言】

阿姆个話，陪等偈尋著自家个路，分稟賦發光。

感謝評審个圈點，分「戲說·長流水」做得蹶上第八屆閩客文學獎个頒獎臺謝幕。

長流水，流流流流……。

流入歷史成鏡、流入童年成路、流入氣候成詩、流入田心成戲。

「食水愛知水源頭」阿姆教个話，一直流在心肝窟，不敢添放忒。

偈會記得阿姆个話，留歇客家文化个長流水。

## 戲說·長流水

鏡鮮个河壩，係一面歷史  
悠悠仔流過，阿太个年代  
水面映出个面容，係風霜  
皺皺个手巴掌，毋願老  
恬恬仔篩下个心心念念  
嘎從手指罅<sup>1</sup>流入黑水溝  
一起風，挨挨轉个波螺皺<sup>2</sup>  
撮<sup>3</sup>起一領纒線个大衿衫  
跌落史蹟个目珠窟，水汀汀仔……  
汀出个渡臺悲歌  
係原鄉一行一行个目汁

番綻个河壩，係一齣童年  
橋頭下弄等，樵頭戲  
窿入石縫个撈仔舞做牛頭馬面，打頭陣  
強強摺蝦公、毛蟹嚇到面呷青，打孔翹  
山腳下伙房屋个煙筒，歎出彎彎幹幹个鄉煙  
係分出外打拚个遊子，尋得著行轉童年个路  
又聽著阿姆个鑊劇在大鑊肚起八音，磬磬鏘鏘……  
蒜頭、豆油、七層塔相爭鬥豔个胭脂味  
佢到歸灶下  
肚凹凹个碗筷請出面紅濟炸个阿旦，打眼拐  
一上桌，胥啲啲仔个口涎水  
舐嘴躡鼻，牽絲到白鬚  
燥濂个河壩，係一尾泥蛇  
日頭擎枷<sup>4</sup>，難到皺皮必壠个圓身圓無空  
看毋著女媧五彩石補天穿个戲齣  
趁毋入天時變面个田溝水瀝，蔭田心

滴滴咄咄，面皮打摺个天早  
頭臥臥仔掌等天色，畝大氣……  
仰跔阿公个愁慮，共樣共樣  
敢係雷公響，打亂看天食飯个命底  
抑係月光帶嵐<sup>5</sup>，勘得來思量  
一覺目，秋霖夜雨點點滴落戲棚頂成詩句  
三更半夜，默默仔上上<sup>6</sup>萬物个想望

泥蛇殿下黃貢貢仔个身裝  
涓涓仔掌過……  
耕種人个心頭田  
一瞞目，淳田淳坎<sup>7</sup>翕出一色青天  
蔴入一坵坵浸青个增志  
阿公个笑容，在水面打舫斗  
環轉个禾黃米赤  
結出一串串滄黃个篤實  
禾鷄仔陣打陣，翼皸皸仔<sup>8</sup>  
在吾目珠仁，畫過天  
飛入田光水色，撮把  
收冬戲

作者註：

1. 手指罅：音su` zii` la；手指間下凹的地方。
2. 波螺皸：音bo` lo` jiu；漩渦，水流迴旋處。
3. 撮：音zeb`；以三指抓取物品。
4. 日頭擎枷：音ngid` teu` kia` ga`；太陽戴枷，即「日暈」。
5. 月光帶嵐：音ngied gong` dai lan`；月暈。月暈出現，則知將起風。
6. 上上：音song` song`；把東西放至高處或上方。
7. 淳田淳坎：音pud tien` pud kam；田地裡一片汪洋。
8. 翼皸皸仔：音id pia` pia`；形容雙翅拍動時開合的樣子。